

Plumalhon

MAINATGES D'ÒC



5,40 €

ISSN 1264-6733

N° 58

Decembre de
2001



Los crocodils



Sénher Palhon



Amazonia

Los crocodils

Uèi, se tròba de crocodils en America del Sud, en America Centrala, en Asia, en Australia e en Africa.

Son de reptils qu'an lo sang freg e lor agradan las regions caudas ont se pòdon metre a la raja del solelh sus las ribas dels rius e dels fluvis. Pòdon demorar en una, tranquils e puèi se precipitar dins l'aiga a una granda velocitat.

Quand son jovenòts s'avidan d'insèctes, de molusques o de granhòtas. Un còp grands son pus goluts e venon de predators redobtables. Demòran a l'espèra a flor d'aiga e atacan los que venon beure al riu : aucèl, zèbre, gasèla o tota bèstia imprudenta. Gara a lors maissassas ! Los òmes quitament se pòdon far agantar pels crocodils pus gròsses.

Polidas dents !



Talhas diversas

De crocodils, n'í a de tota mena. Los aligatòrs son d'aquela familha. Lo crocodil nanet d'Àfrica pòt arribar als dos mètres de longor quand d'autres crocodils d'estuari en Asia pòran far los sèt mètres per un pes d'una tona.

Carn de crocodil

S'es caçat lo crocodil per la pèl mas per la carn tanben. En teoria, lo crocodil es protegit. A la fin de las annadas 70, se'n tuava encara dos milions per an. Uèi se'n tua mens. Partan d'un milion. Sabèm pas s'es pr'amor de la proteccion o perque son mens nombroses.

Tèxte e fòtos Fred Lavail

Caçaire

Dins l'aiga, nada a 20 km de l'ora e se servís dels uèlhs e del nas que demòran al dessús l'aiga mentre que tot lo còs es banhat. Lo crocodil a tanben l'aurelha fina.



Los crocodils pondon d'uòus. Las femèlas cavan un trauc per i pondre de 20 a 80 uòus. Gardan lo nis mai de dos meses e mièg, sovent sens manjar. Quand naisson, los crocodilons son fragils e per los portar, la maire los met dins la gola.

